

Toletana Decimarum, quoad  
Tenutam de Perobezquez,  
& Vrtada.

27

*Reu. Pater.* I N secundo loco decisus rescribendum omnino speramus quia non solum super dd. Tenutis habemus consuetudinem immemorabilem ex Testibus probatam vsque de anno 1641. sed etiam iterum comprobata ex Testibus examinatis anno 1702., sed quod magis est quoad Tenutam de Perobezquez habemus declaratam totalem d. Tenutæ exemptionem anno 1378. cum enim in actu quo concessa fuit licentia per Archiepiscopum, & Capitulum edificandi nostrorum Monasterium mediante Regis interpositione fuit dicta licentia data ea lege, & conditione ut moniales in dicto Monasterio esse deberent exemptæ a solutione decimarum ex fructibus tot bonorum quæ ascenderent ad valorem 25. mil. merapetinorū monetę tunc currenti, vt ex *nostro secundo Summario additionali num. 1. litt. KK.*, & *litt. LL.* subinde vero post constructum Monasterium cui Dos à fundatrice fuit assignata, tuerunt æstimata bona, qua Monasterium tunc possidebat, & fuit æstimata toto hæreditas quæ fuit data in d. tunc possidebat, & fuit æstimata toto hæreditas quæ fuit data in d. Monasterio in Perobezquez, & suis terminis *d. Summ. additionalis n. 2. litt. M.* illudque fuit æstimatū duodecim 22. mil. merapetinis, & exemptum à solutione decimarum *dicto nostro Summario additionalis num. 2. litt. P.*, & proinde cum habeamus specificam exemptionem totius d. Tenimenti. vtique non indigemus alia adminiculo, ad hoc vt illud declaretur exemptum prout fuit declaratum in nouissima decisione Reuerendissimi Cerri pro cuius confirmatione supplicamus.

Indubitanter quia præfatus Titulus exemptionis fuit compulsatus à Parte aduersa ex originali concessione quæ conseruatur in Archiuio Monasterij, & ab eadem Parte productus, & proinde eo magis plenam constituit probationem.

Attenta præsertim subsequuta obseruantia iuxta quam semper d. Tenimentum fuit exemptum a solutione decimarum prout de immemorabili deposuerunt Testes examinati vsque de anno 1641. cum omnibus super requisitis, & comprobarunt Testes examinati anno 1702., vt ex *Summario additionali num. 2. & 3., & seqq.* vnde stante immemorabili obseruantia d. exemptionis quinimò probata illius obseruantia per Testes de visu vlt. & longe vltra centū annos coniungendo depositiones Testium examinerum anno 1641. cum Testibus examinatis anno 1702. hæc tam diuturna obseruantia non solum præbet Principilibus facultatem allegandi meliorem Titulum

lum de mundo, sed etiam inducit validissimam præsumptionem, quod d. Priuilegium fuit Apostolica confirmatione roboratum ex deductis in nostris informationibus.

Non obstat quod obseruantia non est vniuersalis titulo; attento quod licet Moniales fuerunt in quasi possessione non soluendi decimas ex d. Tenimento de Perobezquez ex fructibus illius partis qua proprijs expensis coluerunt nihilominus Moniales non fuerunt exempti quoad alias partes d. Tenimenti quas locarunt ex quo conductores soluerunt decimas Archiepiscopo Toletano prout dd. Testes deposuerunt tam anno 1641. quam anno 1702.

Etenim cum versemur in Priuilegio personali Monialibus d. Conuentus concessa vt ex secundo Summario nostro additionali n. 1. lit. II. & KK. ibi = *che le Monache Religiose del d. Monastero &c. & inferiorius = e che non paghino decime di quelle Possessioni &c. quali possessioni hanno da essere della quantità, e valore di 25. mil. moranidi*, inde sequitur quod cum d. Priuilegium sit personale tanquam concessum monialibus illud extendi nequit ad colonos, & conductores Monialium vt recte probat Gloss. in Clementina prima verb. excolendas circa finem ibi = *Sed nunquid coloni partiales rem exemptorum priuilegiatorum simpliciter super decimis non soluendis tenentur ad decimas, puto ponderanda verba Priuilegiatorum, quæ si eximunt Terras ipsorum ab hoc onere, Coloni colentes illas Priuilegio participant si vero eximunt Personas, tunc licet illi de sua parte non soluant Coloni non exempti de sua soluent, & communiter scribentes super d. Glossa, ibique Barbos. num. 4. ibi = Notatur ad hoc quod quando cumque Priuilegium conceditur alicui Religiosorum ordini, ut sit immunitas, & liber à decima soluenda, si sit personale, non se extendit ad Conductores Prædiorum Azor. Insit. Moral. part. 1. lib. 7. cap. 37. quæst. 7., Panormit. in cap. Ex parte num. 5. de Decimis, & idem Barbos. in cap. Licet num. 2. de decim., Reto decis. 23. part. 2. diuers., Ret. coram decis. 937. num. 1. 2., & per totam, quoties enim Priuilegium exemptium à solutione Decimarum est personale, & directum Regularibus, tunc illis non suffragatur quoties Religiosi exempti Bona exempta locant quia tunc conductores tenentur ad solutionem Decimarum illi, cui de Iure decimæ debentur, ad hoc enim vt Priuilegium personale personis concessum extendatur ad conductores oportet, vt in Priuilegio dicatur *eximimus tales Religiosos à Decimis soluendis de suis Prædijs siue per se, siue per alios colant*, Suarez lib. 1. cap. 19. n. 14., & proinde cum semper Moniales fuerunt exemptæ à solutione Decimarum ex fructibus Tenutæ de Perobezques, & Vrtada, quam proprijs sumptibus colebant sine magnam sine paruum quantitatem colerent, & quoties in dicta Tenuta inducebant Greges proprias ad pascendam ex illis Decimam non persoluebant si verò locabant Pascua, tunc Conductores Pascuorum Decimam soluebant*

ex feribus Animalium, vt ex Testibus examinatis Anno 1641., *Summario Principali* num. 1., & 2., sic quoque Conductores Partis d. Tenutæ pariter Decimam soluebant ex subsequuta tor Annorum obseruantia, magis qualificat, quod concessio exemptionis facta Monialibus nostri Monasterij fuerit personalis, & non realis, & proindè de illa participare non poterant Conductores d. Tenutæ, vt probant authoritates superius adductæ.

Ad hoc enim vt Conductores d. Tenutæ non tenerentur soluere Decimas Archiepiscopo, sed illa soluere Monialibus, vel probare opposueret, quod exemptio Monialibus concessa fuerit Realis, vel quod Monialibus concessum fuisset specificum Priuilegium, vt ex Territorijs locatis posset Monasterium Decimam exigere, vt supra probaui.

Hinc non obstat principale fundamentum Partis Aduersæ, quod scilicet cum Monasterium prætendat in dicta Tenuta de Perobezque, præscripsisse Decimas contra Archiepiscopum ex illa parte bonorum quam proprijs expensis colit tenetur probare quantitatem specificam, quam semper coluit spatio 40. annorum, & illa quantitas, quam probauerit semper, & continuatim proprijs expensis coluisse prætereundum poterit pro illa parte exemptionem a solutione Decimarum, quia tantum præscriptum quantum possessum, & proindè cum Testes examinati, tam anno 1641., quam Testes examinati anno 1702. non specificent, & declarent in qua parte d. Tenimenti proprijs expensis Moniales illud coluerint, cum d. Tenimentum plures in se contineat possessiones sub diuersis vocabulis, idcirco d. probatio tanquam incerta suffragari non potest nostro Monasterio.

Etenim vt probauit Dominus meus Aduocatus in sua Iuris allegatione super dubio septem Tenimentorum non est necessaria ista specifica probatio, sed sufficit dicta Causa vniuersalis d. exemptionis, quæ consistit in cultura proprijs expensis, & ratio est quia quemadmodum si concedatur regularibus Priuilegium non soluendi Decimas ex fructibus bonorum, quæ proprijs expensis coluerint, tum cum dicta Decima sit personalis non transit ad Conductores, & Arrendatarios bonorum, quo Decimatori vniuersali Decimas soluere tenentur ad *Text. expres. in cap. Licet de benignitate de Decimis*, & quemadmodum dd. Religiosi si per plures annos sua bona locauerint si postmodum assumant eorundem bonorum culturam erunt exempti, & semper exemptio eis suffragatur quoad illa dumtaxat bona, quæ proprijs expensis coluerint ita etiam operari debet priuilegium præsumptum inductum ex immemorabili, vel centenaria quasi possessione cum enim Moniales per tempus immemorabile Decimas non soluerunt ex fructibus Tenutæ de Perobezque ex ea parte, quæ culta fuit proprijs sumptibus, & expensis, atque ista causa vniuersalis culturæ proprijs expensis sufficere de-



beat prò inducenda præsumptione Priuilegij sufficit enim probare Monialibus, quod ex quacumque parte d. Tenutæ, quam proprijs expensis coluerunt Decima non fuit soluta, ad hoc vt inducatur Priuilegium præsumptum concessum d. Monasterio non soluendi Decimam ex fructibus bonorum d. Tenutæ, quæ proprijs expensis coluerunt,

Sed cessat in hypothesi omnis vmbra difficultatis, quia totum Tenimentum de Perobezque spectans ad Moniales nostri Monasterij fuit declaratum exemptum à solutione Decimarum, vt ex *nostro secundo Summario additionali Num. 2. litt. M., & litt. P.* cum autem exemptio concessa per Episcopum, & Capitulum fuerit personalis prò Bonis à Monasterio possidendis in certa quantitate, vtique dicta exemptione gaudere, non poterant Moniales nisi proprijs expensis dictam Tenutam colerent, & proinde cum tota Tenuta declarata fuerit exempta, quemadmodum possunt Moniales integram Tenutam colere, ita colere possunt partem illius ad beneplacitum, & ex illa parte, quam proprijs expensis coluerint, non tenentur Decimam persolvere, & si totam proprijs expensis colant ex fructibus totius dictæ Tenutæ non tenentur Decimas persolvere, quia tota Tenuta valutata in 12. mil. merapetinis fuerit declarata exempta, ideo totam proprijs expensis colere possunt, & ex illa Decimam non persolvere; Quocirca si Moniales partem dictæ Tenutæ coluerint, & partem locauerint, hoc nihil facit ad rem, quia tota Tenuta est exempta, & potest quamlibet partem dictæ Tenutæ proprijs expensis colere, quia tota fuit declarata exempta, quemadmodum si concedatur Monaci alicuius Monasterij exemptio personalis, quæ non extenditur ad Conductores, tunc si illi aliquas Tenutas colant proprijs expensis aliàs verò locant, licet Conductores toto tempore quo locata fuerunt Bona, soluta fuit Decima, ex quo dicta exemptio ad Colonos, & Affituarios non extenditur, si postmodum Monaci possessiones, quas locare consueuerunt, colere incipiant proprijs sumptibus, tunc indubitatum est, quod gaudere debeant exemptione personali ipsi concessa à solutione Decimarum, & propterea cum in casu nostro tota Tenuta de Perobezque cum omnibus suis terminis fuit declarata exempta, vtique quacumque pars, quæ culta fuit expensis Monasterij, vel in posterum colatur, semper erit exempta à Decimarum solutione, & ita fuit semper obseruatum, & intellectum dictum Priuilegium in limine foundationis concessum, quod scilicet semper Moniales fuerunt exemptæ à solutione Decimarum prò illa parte Tenutæ de Perobezque, quam proprijs sumptibus coluerunt. Non enim quoad hanc Tenutam exemptam indigemus præscriptione, sed probatione solius obseruantia, quæ plenè resultat ex Testibus.

Hinc cessant nullitates obiectæ aduersus Processum anni 1641. ex nostra parte productum, de quibus nulla est habenda ratio, cum enim

Pars

Pars aduersa vigore Literarum Compulsorialium compulsaerit  
integrum Processum actitatum ab anno 1639. vsque ad 1641., vt  
ex *secundo Summario additionali Num. 1. litt. B. C. & D., & litt. H.*  
vtique Pars aduersa dictum Processum compulsum integraliter  
& sine vlla diminutione debebat illum producere, quia ex eo cor-  
ruerent ass. nullitates propositæ, & nullo alio fine, & nulla alia de  
causa productus non fuit dictus Processus Compulsorius, ex quo  
Pars agnouit ex illius lectura tolli ass. nullitates, quæ contra illum  
productum non integraliter à nostra Parte proponuntur.

Prima nullitas proponitur, ex quo illud exemplatum fuit pendente  
lite in hoc Supremo Auditorio sine Literis Compulsorialibus, cui  
lite in hoc Supremo Auditorio sine Literis Compulsorialibus, cui  
respondemus, quod licet regula sit, vt lite pendente non possit  
transumptari Scriptura sine Literis Compulsorialibus hoc fallit  
quoties extrahatur à successore in Officio, tunc enim plene probat  
etiam sine Compulsoria, vt probaui in mea facti *num. 12.*, in hoc  
casu controuersus Processus compilatus fuit in Curia Archiepisco-  
pali Toletana conseruatur per Cancellarium successorem in Archi-  
episcopio Curia Archiepiscopalis, & fuit citata Parte exemplatus à Can-  
cellario successore in dicto Officio, & proinde plenam constituit  
probationem non obstante, quod fuerit exemplatus sine Literis  
Compulsorialibus, vt indiuidualiter probant Authoritates addu-  
ctæ in nostra facti.

Præterea Pars aduersa dd. Testes fuisse nulliter examinatos ex quo  
Ordinarius concessit facultatem examinandi Testes sub die 2. Iu-  
nij 1641., & nihilominus Testes fuerunt examinati die 27. Iunij  
1641. quia facilis est Responsio nam in d. Processu actus Re-  
gistrantur ordinatim vnus post alium, & primo legitur commissio  
data Not. vt Testes examinaret *Summario nostro Principali num. 1.*  
*litt. P.*, & deinde conscribitur examen Testium factum à Notario  
Delegato ab eodem Not. Delegato vigore dictæ delegationis vnde  
patet irreplisse error exemplantis in data Delegationis, quæ debe-  
bat esse die 20. Iunij 1641.

Alius enim est ab omni verisimilitudine alienum quod Notarius De-  
legatus antequam illi examen delegaretur voluisset Testes examina-  
re, & ante delegationem se conferre ad locum d. Perobezquez pro  
Testium examine, vt de se patet.

Non obstat alia nullitas quod scilicet Testes fuerunt examinati post  
terminum assignatum, nam si verum est quod est verissimus, quod  
Petrus Tolarte Notarius qui fuit à Iudice Subdelegatus die 20. Iu-  
nij 1641., vtique in tempore Testes examinavit intra terminum illi  
præfixum ad faciendum examen.

Indubitanter quia istæ nullitates, nimis serotinè allegantur cum d. an-  
no 1641. d. Probationes fuerunt Partibus communicatæ, & ab vtra-  
que Parte allegatum, & probationes habitæ pro legitimis vt liquet  
ex *Summario nostro Principali num. 2. ibi = & essendesi data copia di*  
pro-

*proue alle Parti, su da esse allegato, e ben prouato* quo circa si tam ex vtraque Parte fuit allegatum, & probationes habitæ pro validitatis, & iuxta dd. probationes, & Testium depositiones interpolatum Decretum d. *Summario Principali num. 2.* vtique non licet amplius huiusmodi nullitates allegare, & hoc est ratio propter quam Pars aduersa quæ compulsauit integraliter d. Processum cum omnibus allegationibus, & omnibus Decretis, & terminis, vt ex *secundo nostro Summario a dd. num. 1. lit. B. D., & lit. H. d. Processum* integraliter compulsatum non produxit, quia ex lectura illius cessabant proposita, & mendicata nullitates.

Non obstat, quod dictis Testibus examinatis anno 1641. nulla fides sit adhibenda, non solum quia, Testes examinati in possessorio non probant in petitorio, tum etiam quia tunc suspensum fuit possessorium, & sic Iudex non habebat Iurisdictionem in petitorio.

Quoad primum enim respondetur quod Testes examinati in Iudice Summarissimo quoties fuerunt examinati citata Parte super articulis tunc plene probant in Iudicio plenario, & conclusio procedit quoties Testes fuerunt Summarie examinati, & sine Partis citatione, vt plene probat *Possib. de manuten. ex aduerso allegat., obseru. 39.* per totam, & probat nostra fauorabilis Decisio S. *Quin refricari valeat* non obstante quod fuerit suspensum petitorium, quia vt ex lectura autoritatum ex aduerso adductarum locum habent quoties fuit admissa per Iudicem suspensio petitorij, & quoties Testes sine inducti ad effectum probandi nudum factum possessionis, secus est in casu nostro quo Moniales articularunt consuetudinem immemorabilem, & isti articuli fuerunt citata Parte per Iudicem admissi hoc enim casu dd. Testes plene probant ex quo fuerunt inducti ad probandam immemorabilem, & Pars aduersa probationi immemorabilis non se opposuit, & articuli super immemorabili fuerunt à Iudice citata parte admissi, in quibus circumstantiis non procedunt autoritates ex aduerso transcriptæ præsertim quia nunc stante titulo producto ab aduersa Parte non indigemus rigoroſa probatione præscriptionis sed nuda, & simplici probatione obseruantia d. priuilegij ex aduerso producti.

Minus obstat quod nostri Testes non deponant de immemorabili, vel quod saltem non specificant quam partem Tenutæ Moniales corruerunt propriis expensis colere, vt dici possit probata consuetudo in specie, & super certa parte d. Prædij, nam quod plures ex omnis Testibus specificè deponant cum requisitis immemorabilis plene probauit in mea facti transcribendo illorum depositionæ quæ magis corroborata remanent ex continuata quasi possessione non soluendi Decimam ex fructibus d. Tenutæ in ea parte quam propriis expensis Moniales coluerunt, vt probant Testes examinati anno 1702., & propterea concurrat etiam quasi possessio ultra centena-



nam ita ut etiam si deficeret aliquod requisitum consuetudinis immemorabilis non consistaret ex quo Moniales quoad Tenutam de Perobezque, & Vrtada saltem habent quasi possessionem ultra centenariam quæ sola sufficit cum habere eandem, & maiorem efficaciam quam ipse Immemorabilis ut probari in mea facti.

Altera pars obiecti non habet substantiam, quia cum tota Tenuta de Perobezque, & Vrtada usque de anno 1378. fuit declarata exempta, utique possunt Moniales, vel totam Tenutam proprijs expensis colere, vel partem illius, & totum id, quod proprijs expensis colunt debet esse exemptum à solutione Decimarum, cum ut supra probauimus d. exemptio concessa ab Archiepiscopo, & Capitulo sit personalis tanquam concessa Monialibus, & proinde dicta exemptio non se extendit ad Conductores, ut supra probauimus, sed solum Moniales gaudere debent exemptione, vel in totum, vel pro parte quod d. Tenutam colunt.

Denique non obstat imò retorquetur nouissimum obiectum Partis, quod scilicet controversæ Tenutæ de Perobezque, & Vrtada Era 1412. erant Decimatoriæ fauore Archiepiscopi ex quo dicta Tenuta ad Monasterium peruenit ex persona Monialis tamquam hæredis D. Mariæ Fernandez, ut ex *Summario Additionali Partis Aduersæ num. 2. lit. B.*, & proinde cum constet de principio acquisitionis cessat immemorabilis.

Etiam cum dicta Tenuta statim hac fuit Monialibus acquisita fuit æstimata in 12. mil. Merupetinis, & declarata exempta, ut ex *Summario Additionali Partis Aduersæ Num. 2.*, & plenius in *nostro 2. Summario Additionali num. 2. lit. M.*, & *lit. P.* inde fit ut si eodem contextu quo dictam Tenutam acquisiuerunt Moniales illa fuit ab Archiepiscopo, & Capitulo declarata exempta utique cessat omnis quæstio.

Non obstat, quod dicta exemptio à solutione Decimarum ex bonis ascendentibus ad summam 25. mil. Merapetinorum concessa ab Archiepiscopo, & Capitulo in limine foundationis sit correspectiua ad diuersa onera per Monasterium adimplenda, quæ onera cum non sint impleta cessare debet d. exemptio.

Etiam respondemus ut Pars Aduersa ostendat, quæ onera fuerunt imposita Monialibus, & non impleta, nam dicta exemptio fuit ab Archiepiscopo, & Capitulo concessa ex lege, ut non possent impetrare exemptionem à Sede Apostolica, & impetrata non uti, eo Pars Aduersa non docet nostras Moniales aliquam exemptionem à Sede Apostolica impetrata, aliud verò quod fuit in dicta concessione expressum, ut scilicet æstimari deberent bona pro dote Monasterij assignata, & ista æstimatio facta fuit statim, ac dicta Tenuta de Perobezque fuit pro Dote Monasterij assignata, ut ex *Summario Additionali Partis Aduersæ num. 2.*, & *nostro secundo Summ. Additionali pariter num. 2.* Quo vero ad alia Tenimenta postea acquisita,

&

& semper culta expensis ex quibus nunquam soluta fuit Decima  
ista obseruantia immemorabilis præsumere facit æstimationem  
aliorum Tenimentorum fuisse factam, & in tantum fuerunt semper  
habita pro exempta, & semper culta expensis Monasterij in quan-  
tum eorum valor non excedebat summam 25. mil. Meropetitorum  
monetæ currentis de tempore concessionis, pro qua concessa fuit  
exemptio.

Quare &c.

## *Vitus Angelus Cavalletti.*

R. P. D.

**FALCONERIO**

*Toletana Decimarum quoad Tenen-  
tam de Perobeque, & Vrtada.*

**P R O**

Ven., & Regio Monasterio Monialium  
Clausarum Ordinis S. Dominici  
Ciuitatis Toleti.

**C O N T R A**

Illūm, & Rmū Archiepiscopum, &  
Capitulum Toletanum, aliosque  
Decimarum participes.

*Responsio Facti quoad Tenentiam de Pe-  
robeque, & Vrtada*

*Typis Zinghi, & Monaldi 1724*